

海南府縣志輯

中國地方志集成

嘉慶會同縣志
民國文昌縣志
康熙樂會縣志
宣統樂會縣志

新學社
PDG

中國地方志集成

海南府縣志輯④

嘉慶會同縣志

民國文昌縣志

康熙樂會縣志

宣統樂會縣志

重印瓊東縣志序

縣志即國史之一。蓋積一縣之事以成志。卽積天下之縣志以成史。是志所繫。大矣哉。我縣縣志。始於明萬歷四十七年。至清康熙八年一修。二十六年又一修。乾隆三年一修。三十八年又一修。嘉慶二十五年一修。至今不修。百有餘年。其中滄海桑田。可勝言哉。今仍不修。不但一百餘年之事。久漸失實。卽前二三百年。先後所修舊志。其版。其卷。不爲風雨所壞。蠹魚所蝕。兵燹所毀者。幾何也。其勢不至終歸烏有不止矣。可懼孰甚。況自帝制改爲民主。會同改爲瓊東。潮流所趨。庶政維新。過渡之間。無常不變。無變不奇。縣中

重修縣志序

一 瓊州海口海南書局承印

改革如何。建設如何。治亂如何。又縣中官長之賢否。民生之憂樂。生齒之多寡。人材之盛衰。民情風俗。災祥豐歉。在在皆比尋常爲重大變化。尤不可不大書特書。載之縣志。使後之讀志者。知過渡時期內之瓊東。與數百年前之會同。與千百年後之瓊東。其時。其人。其事。其地。爲何如也。自被民選爲桑梓服務。四年於茲。凡百事宜。在在待舉。如學校。如路政。先所必急。急所必急。加以地方久亂。事每掣肘。又值年大凶荒。事尤棘手。此邀我父老子弟。續修縣志。所以有志未逮也。如使舊志。日就朽蠹。使後失傳。縣長罪也。爰爲重印。公諸縣中。守先待後。庶輕我過。志中舊地圖。除保

存外。另附新圖。邦人君子。其共諒之。

民國十四年

月

日

選任縣長王大鵬謹職

重修縣志序

二

瓊州海口海南書局承印

重脩會同縣志序

脩舉廢墜有司事也亦予素志也庚子冬捧檄權篆是邦下車伊始接見士紳探風問俗諮詢利弊談論之餘並及志乘僉云多年失脩版存有限卽仕宦世家所藏舊志者亦甚寥寥予竊憂文獻之無徵若不及時脩輯再閱數十載將會同山川形勝官制人物忠孝節義士俗民風與夫文教之盛衰政治之得失不幾漫無稽考乎乃約諸紳咸有難色予不之信也因毅然獨爲之爰籌集欸資搜檢舊版數十片實多朽蠹又徧託士人搜求今年始得舊志書一部閱之亦已殘缺失次半剝蝕於蟲魚中遂於五月間附之手民精心脩補又足以百數十頁限三箇

會同縣志序

三 瓊州海口海南書局承印

月鐫刻成功公餘覆親校閱令刷印多部廣爲流傳士皆欣感以爲天下事有志者竟成焉惟擬另續新編附後因光緒二十一年間曾遭颶風暴雨衙署各房全行吹倒歷任案卷均已霉爛損失無從檢查尙須細心博採周諮寬以時日而非倉猝所能幾倘都人士有相助爲理者俾得於近數十年文物典章政事興廢官史賢否習俗遷移均能瞭如指掌以貽後人庶有裨於官民誠非淺鮮是尤會同闔邑之幸非第予之私願也夫

昔

光緒二十有七年歲次辛丑秋八月既望諸授奉政大夫補用同知直隸州知會同

縣事中州宋恒坊撰

續修縣志序

會同縣有志志詳矣會同縣志有序序又詳矣予今日又何庸序亦曰前人之序序於前後人之序序於後莫爲之前雖美弗彰莫爲之後雖盛弗傳會雖最爾彈丸而其間山川風俗人才物產秩官政治文行節義之足當紀載者亦與通邑大都相埒特自乾隆三十八年續修距今四十有餘載歷時既久待紀者多使不繼而葺之不惟後數十年之盛不克相傳於將來卽前數百年之美亦難彰於奕權是亦守茲土而責不容辭者歲乙亥予幸捷南宮卽膺簡命出宰是邦甫下車搜羅往事卽皇朕有缺軼之虞奈數年

續修縣志序

四 瓊州海口海南書局承印

來水旱蝗虫風雨之災連迫於境而又以

文廟公堂一切大務事較有急於此者此志乘之所以姑有待焉也值己卯之歲

憲檄督續縣志予躊躇者久之既苦於簿書之勞午而又困於劊劊之艱難爰集紳士共謀所以修之者因以從前已志之舊章親自檢校至厥後未修之事蹟則屬紳士留心採訪舉凡山川之險易風俗之淳漓人才之盛衰物產之盈縮以及秩官政治節義文行無不謹書而備錄之以貽後世使後之覽者因是以變其俗因是呂修其政更因是以採其風則是書固爲一邑之文獻未必無佐于

聖朝一統同文之感也
賜進士出身文林郎知會同縣事北海陳述芹撰

重修大堂記

自古名山福地原屬天成瓊室瑤房皆緣人力會地雖在海隅之區士民素沿禮義之習乙亥冬余膺

簡命蒞任此邦閱之縣志詢之父老民情敦朴知果然也第連年凶荒事難驟舉及戊寅歲自夏而秋颶風疊作霖雨重浸

文廟明倫堂尙是瓦飛灰裂惟大堂內外坍塌無一存者猶幸借居義學辦事如常不得已懇勸籲請而紳士輩亦踴躍赴公酌量公呈議於通縣苗米內每升捐錢拾文以爲大堂之用次年每升捐錢五文以修

文廟之資由是量材鳩工謹選美匠公舉董之事人不經吏役之手物隨民價錢不踰時

文廟大堂一齊興造起建于戊寅之冬落成於己卯之夏內署捐廉華構用得接踵而成不但雕梁畫棟外耀可觀且採良木善工以期堅固於不朽者也是爲序

嘉慶二十四年秋月

賜進士出身文林郎知會同縣事北海陳述芹撰

續修縣志序

自古山陬海澨必有奧區神皋以相爲蟠固雖風氣不齊
語言異致而其沾濡

聖化浹髓淪肌一焉而已也瓊之東南邑曰會同綿亘不過百
里襟帶僅有五都渺然黑子特蚊睫之一巢蝸角之片壤
耳然而山川之紆鬱畜產之豐腴與夫衣冠文物之雍容
城郭人民之櫛比炳炳麟麟未嘗不與中土埒夫事闕而
弗傳文傳而不永鄉士夫責也有其舉之而亟爲表章俾
零編剩簡不致窈冥恍惚剝落於蟲魚繡蝕中亦守土者
事也歲壬辰煌恭逢

續修縣志序

七

瓊州海口海南書局承印

恩命簡發粵東其明年檄委茲土時值

郡憲增修志乘通行各屬採輯遺聞邑之人士咸踴躍急公
請重葺其縣志公務倥傯愧未遑也已而歲稔人和庶政
粗舉乃爲檢點舊章補苴掇拾其自乾隆三年以後則考
諸故老之流傳按諸名山之紀載微顯闡幽其詳其慎夫
而後數十年來典章文獻興廢損益之沿流於是乎略備
嗟乎擇焉不精語焉不詳以苟揚之淹博三十餘年之事
雖盛弗傳將舊版日就朽蠹前數百年之事亦漸湮沒而
無可稽矣壬辰春予奉

命承乏茲邑甫下車索舊志閱之卽有續修之志公餘之暇博

採廣諮得其梗概適奉

憲檄有重修郡志之舉郡爲一帙上之欲自謀纂輯會署
篆萬安未遑也接任于君雅有同志因而成之彬彬然綱
舉目張矣甲午冬予旋邑視事鄉士夫董其事者以新志
示細加考閱因就見聞所及復修飾而考訂之非敢曰事
增於前文減於後也亦以事關美刺必兢兢以考信焉耳
既付梓鄉士夫羣請序於予予曰邑素稱易治予蒞事之
初尙恐民未與史習既而案牘不勞訟獄不興予乃樂其
地僻而事簡又愛其俗之安閒因得採訪於監輿風日之
中搜討於父老縉紳之輩問奴以耕問婢以織日積月累

續修縣志序

八

瓊州海口海南書局承印

迄有成書今竊喜初志之得遂而樂觀其成也爰弁數言
於首俾後之視今亦猶今之視昔踵而修之有舉莫墜庶
幾士庶觀之以變其俗官師考之以修其政太史採之以
備其風於以佐

聖朝一統同文之志是則區區之意云爾
特授文林郎知會同縣事滇南萬卜爵譔

昔

乾隆三十九年歲次甲午仲冬月穀旦

重修會同縣志序

邑之有志何也將以志一邑山川之險易風俗之美惡田賦甲兵之盈縮禮樂人材之盛衰與夫長史賢否政治得失悉詳載焉使後之覽者依類以求如鑑鬚眉如燭幽隱士庶觀之以變其俗官師考之以修其政太史採之以備其風其於治非小補也會邑僻處海隅事簡民淳號稱易治唐宋以前本樂會故地元至元二十八年割樂之西北置會同縣縣之設於是乎始邑之有志昉於明萬歷四十七年至

國朝康熙八年一修於曹君之秀二十六年復修於胥君錫

重修會同縣志序

九

瓊州海口海南書局承印

祚乾隆三年于君暉復增修之四百餘年之事亦既約略可觀矣自于君之修去今又三十餘年其間政治之沿革人事之變更官吏之陞遷賦役之增減不無待於採輯加以

聖天子休養生息漸染涵濡生齒日繁人文日起海濱鄒魯之盛更有可得而紀者不爲之大書特書不惟尙貽笑於昌黎況風塵俗吏腹笥枵然望大雅之門牆而不得入不知而作行自愧已書修於癸巳之十月竣於臈月之杪爲文數十萬言尸祝代庖閱時無幾爲此碌碌知不免爲識者哂然吾聞古人於郵亭驛館雖信宿必修葺而後去則是

役也或亦此物此志云爾

乾隆三十八年歲次癸巳臈月

勅授文林郎署瓊州府會同縣知縣加三級紀錄五次于

譔

煌

重修會同縣志序

十

瓊州海口海南書局承印

舊志序 康熙二十六年

胥錫祚 知縣

夫天下之大一縣之積也一統志邑乘之積也故州縣無衝僻無大小莫不有山川土田風俗物產人文事蹟之可紀由郡以麗省由省以麗天下共成

國家一統全書猶累土壤以成泰山放細流以歸河海也則縣之有志不綦重哉會同一志梓於萬歷之已未至康熙八年一加修纂不佞壬戌歲承乏茲土甫下車即欲詳一邑之典故爰取舊志而翻閱之見其文義非不富也事蹟非不詳也然富失之靡詳失之瑣甚且義類不屬簡編失序欲釐正之未逮也丙寅秋會 院檄督補郡縣志爰是

舊

志

序

十一

瓊州海口海南書局承印

毅然有修葺之舉上奉 憲令下酌己志乃集紳士共謀所以修之竟以簿書鞅掌未遑專事筆札以其半屬之邑博吳君俾分任焉吳君義不辭也遂屬紳士採訪數十餘年來人物事蹟以及興廢損益增補詳慎無遺無濫取舊志其靡者而使之健正其瑣者而歸之雅分析有倫編次有序事增於前文減於舊一覽之而一邑之山川人物以及典制興廢之故燦如指掌但邑小事簡紀載無多又不過士壤中之一撮細流中之一勺然亦泰山河海所不廢也雖然志亦豈易言哉夫志者固一統志之支派而亦國史之材用也古人論史有四患五難又聞范蔚宗體

舊

志

序

十二

瓊州海口海南書局承印

大思精博瞻整理之說益嘆夫作史之難也而皆採志之人物事蹟典故以成之如大匠之構廣厦重樓必取材於諸山梗楠杞梓以及檣樑罔不羅集斤之斧之去其朽蠹磨之礱之施以丹漆而俞奐以成夫史既取材於志則志志豈易言哉會同之志其梗楠杞梓乎其檣樑與朽而蠹者乎吾不知其有當於丹漆斧斤焉否也惟是附郡以麗省由省以麗天下共成 當代一統軍書鴻謨以奉 憲檄以酌己志余與吳君之事畢矣

舊志序 乾隆三年

縣之有志一邑之綱領初任之津梁也筮仕之員驟至斯地民風土俗焉能遽知一閱斯編而知疆域幾何戶口幾何田畝幾何某處險要某處平坦某地膏沃某地荒瘠與夫山川星野氣機節候人文物產以及風俗之所尚人情之所好歷代之名臣政蹟學士詞章事無大小燦然畢具披閱之下較若列眉循是而推若者革若者興若者損若者益雖時易勢殊未必盡合而因地制宜模範不遠譬良醫之用古方增之減之變通由人其大指難越乎成法縣志一書誠初任之津梁不可不隨

舊

志序

十三

瓊州海口海南書局承印

時而修纂也丙辰歲予選

授斯邑見版籍朽蠹每思重付梓人况逢

聖天子在上德洋恩溥仁心善政叠沛實區更宜修列縣志以一時之紀載揚萬載之

殊恩會志自

聖祖仁皇帝御極之二十有六載其間建置之廢興秩官之交代人物之繼起盡缺略而弗傳闔邑紳士公議增補纂賁俾舊志煥然改觀緣列數言於首以誌一時之盛後之宰斯邑者遞加修纂閱世常新庶斯編永藉以不朽是則重有望也夫

增訂邑志凡例

一志分十卷每卷各標其綱而係之以目於目之中又各從其類而考核精詳以便披覽一會志自元明以及

國朝纂修已經兩舉一在於康熙丁卯年前令胥公一在於乾隆戊午年前令于公越今三十餘載其中應書事宜不續加編茲恐年久事軼後無可稽至於舊志容有殘缺失序處略為釐定餘概照舊

一會志開載一邑成書但其中沿革廢興不無更變即如賦役一項上開國課下係民生某年革丁口而入田畝某年併工價而歸米石逐一條書以俟稽考至如建

先農壇以寓足食興節孝忠義祠以崇表章復民壯以思愚而預防封裕聖以尊師而重道此皆我

朝恩之特舉事之最著者也不可以不書

一舊志以輿圖地里為二綱今遵府志以疆域為綱而輿圖地里并列於內又於舊志地里目中抽出星野氣候風候潮汐節序數項彙為天文弁於篇首地里次之而土產列於其

會同編志

凡例

十四

瓊州海口海南書局承印

內仍是十卷之數

一志原為信史所以垂示久遠世有意為愛憎者彰輝多出已意遂致訛以傳訛不可取信於來茲今於斯人本無愛憎則是書又將誰毀誰譽耶

一捐修志書銀數多寡不同其為好善樂輸急公慕義無以異也標其姓氏著於簡端以勸來者

一生監列名向無此例然海疆小邑登舉寥寥果能登憤下帷安知非後來之秀且廩生已榮食

天祿監生亦大學人材提而出之或亦無所刻謬也

康熙二十六年修志姓名

纂修

瓊州府會同縣知縣加二級胥錫祚

同修

會同縣儒學教諭吳 雋

會同縣儒學訓導鍾昌齡

校閱

原任廉州府靈山縣儒學訓導王啓輔

貢生

王基壽 江思典 黎 鼎 覃煒猷 黎昌祖

會同縣志 姓名

瓊州海口海南書局承印

生員

王庶昌 黎公鋪 甘雨潤 楊 焜 施學懷
黃 旒 李祖宣 邱 聖 邱挺聖 王永熙
王永寧 黃正泓 王晉藻 王元錄 李世顯
周師斌 王庚生 凌 升 黎 曉 符篆文

乾隆三年修志姓名

續修

瓊州府會同縣知縣癸丑進士于 璋

同修

會同縣儒學教諭辛卯副榜盧 光

校閱

原任雷州府徐聞縣儒學訓導王 翼

貢生

黎 燿 歐震時 楊大鴻 劉運生 張名運
何爾燦 楊公科

會同縣志 姓名

瓊州海口海南書局承印

生員

材光亨 周 正 黎以瑄 黎肇忻 周 珮
王 淮 毛聯獅

乾隆三十八年修志姓名

續修

署瓊州府會同縣知縣癸酉舉人于煌

同修

會同縣儒學教諭丁卯舉人楊緒銓

會同縣儒學訓導丙子舉人鄧逢秋

會同縣典史朱再鋒

校閱

原任肇慶府高要縣儒學訓導符漢琦

截選知縣庚辰恩科舉人許浩

會同縣志

姓名

十七

瓊州海口海南書局承印

貢生

王兆鶴

歐之型

林源

馮日深

江振元

王宇海

生員

黃璫

黎啓炳

楊可三

吳嗣德

施之岱

王大德

嘉慶二十五年修志姓氏

纂修

瓊州府會同縣知縣進士陳述芹

同修

會同縣儒學教諭副貢周瀚

會同縣儒學訓導歲貢梁達廷

分校 騰錄 採訪

貢生

楊永傳

王湖文

陳開千

楊永忠

王紹烈

廩生

會同縣志

姓名

十八

瓊州海口海南書局承印

吳徽錯

楊永寬

王永寬

楊桂芳

黎翼朝

馮昌河

附生

凌以寧

黎大桂

林景清

楊家齡

王更德

黃元善

許國英

王昌灼

施安仁

李傳炳

施富仁

監生

符棟

王標先

捐資修志姓名

符漢琮	符漢琦	林源	王宇海	陳廷鏢
吳彥錄	符漢瑄	符縉熙	林潮	楊可瑄
王兆鶴	吳宸錄	陳江	吳嗣經	吳嗣湖
歐之型	江振元	張瑜	符漢瑗	黃玫
符漢瑀	王楷	梁瑞之	符漢瑄	吳嗣紳
符紱熙	林浩	陳廷鈞	黎紹熙	周元德
黃元貞	李大樟	周汝翼	馮斯琰	何承先
吳嗣德	韋元宦	王大德	黎擢朝	李魁五
王大鈞	施之岱	彭家	李廷桐	黃廷桃
施其琥	王增相	邢尚坦	王錦	李大俊
孔興模	黃魁鑑	周學江	羅斌元	王大欽
李振國	陳文鏐	梁玉珪	黃瑣	王君榮
黃珍	王鼎裔	吳嗣純	王元偵	施之峰
劉魁銓	薛茂林	吳嗣緒	陳元勳	梁邦彥
黃湖	林澳	黎啓襄	劉惜銓	黎啓三
黎啓明	吳應元	王元俸	李鴻	王維
黎肇煒	馮日千	周文科	周文魁	雷澤
雷潤	黃貴祖	黃晃朝	周廷玉	黎萬岐
林毓楠	王維	梁志高	王廷琬	陳鵷
何貴華	施之戔			

續修縣志捐資姓氏

周汝翼	王式丹	王國	凌以清
彭家培	彭傳鈺	周鴻亨	岑玉璋
林學超			

天文卷一

星野 氣候 風候 潮汐 節序

地里卷二

輿圖 沿革 疆域 形勝 山川 井塘 堤岸

港埠 鄉鄙 風俗 土產

建置卷三

城池 公署 諸堂附 壇廟 坊塔 貯倉 墟市

橋渡 古蹟

賦役卷四

戶口 田賦 田則附 丁役 雜稅 俸糧

會同縣志 目錄 卷一 瓊州海口海南書局承印

學校卷五

學宮 文廟 祭器 樂器 祭期 祭儀 祭品

啓聖祠 明倫堂 名宦祠 鄉賢祠 節孝祠

學齋 學地 學塘 學田 書籍 書院 義田

兵防卷六

兵署 兵營 兵制 兵餉 兵器 墩臺 墩臺附 屯田

秩官卷七

知縣 典史 教諭 訓導 署印 按部 名宦

僑寓

人物卷八

進士 鄉舉 武科 貢副 廩監 榷史 封贈

鄉賢 孝子 懿行 文學 忠義 武勇 隱逸

耆老 貞節

藝文卷九

宸翰 記序 傳銘 詩賦

雜志卷十

紀祥 紀災 紀異

會同縣志 目錄 卷一 瓊州海口海南書局承印

天文志卷一

陰陽之精其本在地面上發於天周禮馮相保章一以主恆度一以占變動蓋經星常宿以及伏見廣恆陵適散犯無不有州國官物類之可考呂覽九野繁露十端詳哉言之會同海隅下邑何敢侈陳然覆或成編推以占步未必無當也志天文

星野

瓊白漢隸交州隋隸揚州其爲揚州之域無疑考厥分星實云星紀漢天文志及杜祐通典皆以牽牛婺女爲越之分野而唐志謂廣廉端封梧羅瓊瓊爲星紀之大則瓊爲婺女分經審矣會同近環是亦婺女之大也夫

風氣

縣無冰雪舊稱瘴鄉今則人烟稠密林疎澗豁久無瘴患惟是環海之區地土卑濕不獨歲中寒暑不齊即一日之內亦氣候屢變冬寒不過三四日復煖秋則白露以後暑尚未徂甚至朔方著錦暮旋揮扇此東坡所謂四時皆是夏一雨便成秋也春多東風夏多南風秋多西風冬多北風東南風煖西北風涼其也縣三四月間惟書有南風至五月始入夜謂之

會同縣志

天文

卷一

一

瓊州海口海南書局承印

夜南風南風過夜則雨三四月北風多主雨五月北風多主旱六月有北風非作颶即大雨颶風自芒種以後立冬以前皆有謂之颶者其四方之風也起於東北必自北而西起於西北必自北而東俱至南乃止謂之回南回南不雨必再作颶一歲之中有再三作者晨起見東方雲一起或海鳥驚飛或斷虹飲水俗曰牽鰲曰水影亦曰風蓬或海中有聲乍急乍緩似遠聽鐘磬之音俗曰海吼此皆颶之先兆也大抵先期數日必有西北風西北風過午速則一日遲則三日其颶必至作自朝者颶日而息作自暮者三日乃息凡颶必夾雨俗曰有雷則不成颶然有雷而颶者其颶大且久謂之鐵颶又颶必乘潮每潮望後二三日爲潮長之期颶之作多應之以無力之風夾狂暴之雨助以澎湃之潮屋舍田禾之濱海者欲不受其害也豈可得歟

會同節序與廣州畧同立春先一日縣內各官至東門外迎春街坊各辦雜劇俟祭芒神畢導土牛自東門城上旋過西門入縣老幼咸集共看土牛或酒以菽稻名曰消疹至交春時置春牛於署前禮畢擊之曰打春閭閻民爭搶牛頭以取勝元日夙興焚香燒爆竹設清席祀香火神及祖先禮畢出拜所親閭里各奉楮橋相待賀喜謂之拜年至初三釘赤口取除

夕所餘飯肉並元日餘飯合於釜中炒之合家傳食謂之炒赤口亦曰炒蟻上元先數日作

花燈獻神廟寺觀遍懸公署每設火樹 輒放烟火粧故事舞獅雜劇絲竹迭奏焰燈設謎

遊觀達曙清明前三日培塚壘土登壘掃祭至四月八日及十一月冬至日亦如之端陽放

風箏其聲喧天以相纏糾爲勝負此日自趙湖以及各鄉溪港衆觀競渡好事者以竿懸銀

錢於船上勝者得之謂之奪標家設酒設祀香火神及祖先爲角黍相饌遺懸虎艾於門取

楫槳胎海棠花並菖蒲艾浸泉水以供洗濯並浴於溪曰流癘取雄黃神砂作小袋及

蒼朮童男女帶之以辟穢厲又於午時以雄黃和酒遍門戶洒之以辟蛇毒六月六日祀灶

晒衣服鞋蓋濕七月十五中元醮酒設燒楮幣曰燒紙或設水陸醮場爲盂蘭會中秋各鄉

塾祭文昌設酒設賀月重陽登峰會飲謂之登高霜降前一日營官披挂操軍器繞城以迎

霜降至其時導迎出教場禮畢放鎗炮曰操霜降冬至有司各官夙興拜

聖節交賀臘月二十四日祀灶送灶神升天除夕酒掃堂室換桃符貼對聯利試紅錢設酒饌祀

香火神及祖先具牲牷辭歲於神日圍爐燃火懸燈燒爆竹又以竿掛紙錢并敝帚盛舊燈

蓋燈燈遠拋門口路十字處曰送窮兒童則向尊長討銅錢如其年庚以帶曰守歲

會同縣志

天文

卷一

二

瓊州海口海南書局承印

朝夕

會同諸港潮候皆從平月若朔望前後潮大上下敦前後潮小二至前後潮大二分前後潮小夏至潮大於盡冬至潮大於夜晴則望南而吼陰則望北而吼人以爲陰晴之驗

地里志卷二

會陽僻處荒隅獠錯趾萬跡所不經上訓所不載漢書括地志既詳且備而會未及此微之也然而土肉川脉石骨草毛原區填衍蔚然相望豈以孤懸海外編氓五里而忽諸志地

疆域

按會同瓊州屬邑本唐宋樂會縣西响獠故地自元世祖至元十六年平章闊里吉思平黎始割樂會西北境置會同縣於永安都島石埔屬瓊管安撫司皇慶元年上酋王高燒燬縣治原議移建太平都斗牛鄉至正間旋卜遷今治即端山也地名牛角墩今東關祀王公諱源壽號仁卿所捐事見藝文王公傳

會同縣志

地里 卷二

瓊州海口海南書局承印

形勝

十里

按會同來龍由西北逶迤而東結脉端山一建縣治一建學宮南繞蓮池臨玉几案澄溪環其北多異嶺秀其東瀚堂嶺嶺其西厥壤沃穠相半是一邑之形勝也其縣治來龍入首甚細僅可二丈餘為端趙永安加會三方人必經孔道日久人多牛馬踐踏兩旁路深泥渾中間不絕如縷恐洩元氣乾隆三年貢生符紹明捐資鳩工釐石補築以培龍脉且便行人來往人高其義不可不書

嶺山

端山 即縣治八景之一

白鶴山 縣北十五里永安都即縣治八景之一

南塘山 縣前隔湖案山也督學使者 公改名玉几案省其形也

瀚堂山 縣西五里端趙都

鍾祿山 縣西北三十里永安都

水尾山 縣北十里加會都七嶺相連又名七星嶺土關沃饒林木鬱茂

木寨山 縣北三十里加會都

青晚山 縣北三十里路通定文荒僻險要嘉靖十八年詳撥定文同二邑民壯立堡防守始安靖

山雞山 縣東北三十里太平都

黎竹山 縣東六里端趙都

叨甲山 縣東二十里永安都山下有塘深數丈寬里許泉湧澄清孝廉黃可久祖塋于上大宗伯王 誨有詩見藝文

何魯嶺 縣東二十里永安都嶺上有石徑石巖石壁寬闊可坐數十人孝廉黃表黃可久世居其下大宗伯王 誨書榕上云巖巖具瞻深响曾誇黃石隱蒼蒼垂陰至人堪擬赤松遊

多異嶺 縣東三十里太平都即縣治八景之一上多奇境有泉井祈雨取水多應王元禮詩云秀凌碧落三辰近翠擁青華五岳低康熙癸卯有僧元達開山建

會同縣志

地里 卷二

瓊州海口海南書局承印

寺名曰靈泉雍正己巳住僧海演建亭于寺之東名曰青雲惠文宗士奇題以額曰源頭活水丙午復建書院于亭之後文定會樂四邑士子歲時講習其中

土城嶺 縣東南二十里太平都西瞻翠峯峨峨東望湧潮混混傳聞前朝立城于此今微有遺址

西崖嶺 縣西北三十里永安都乃縣治之少祖山

嶺飛嶺 縣東三十里太平都傳有仙人洞在焉

文囂嶺 縣東三十里太平都有古道跡

馬嶺 縣東二十里太平都勢如奔馬尖如筆鋒嶺頭秀特中有神松羅塔

雞晨嶺 縣南十里積善都上有三江廟祈雨頗應

望縣嶺 縣東五里端趙都往文昌官路經此望見縣城故名

西村嶺 縣西北五里吉安都

戊子嶺 縣東五里端趙都錄翠可觀

何知嶺 縣南二十里積善都鄉紳黎志光號何知子居是嶺故名焉說見藝文

偷桃嶺 縣西二十里積善都

山樵嶺 縣東五里與戊子相連登山東望滄海渺茫

大水嶺 縣東二十里太平都孝廉楊時世居其中地雖未甚高而大水不能到故名

西園嶺 縣北三十里高數十仞加會都貢生李蔚建亭於嶺終日藏修遊息其間

佛子頭 縣東四十里太平都地瀕海濱特秀出即縣治八景之一學憲彭歌祥有詩見藝文

風動石 在多異嶺其形如卵闊可一丈盛以石盤力不能移風可搖動

海潮巖 在多異嶺南高數十丈闊百餘步形如居室可容數十人東望海潮水天一色教諭吳售有記見藝文

會同縣志 地理 卷一 三 瓊州海口海南書局承印

應聲石 縣東二十里許太平都石溝山中二石疊起大數尺高一丈人語亦語人笑亦笑隨聲響應故名

大奇石 縣西南十里端趙都孟榮村地極平巖突起秀嶽高大數丈榕樹盤臨其上且石頂平坦可坐多人邑侯馬文峻最愛登眺吟咏有詩見藝文

五星石 縣西二十里許積善都大禮村形如五星五方壁立山花環繞樹木陰翳逸士黎公柱構亭其間盤桓吟咏頗以嶺曰樂中亭有贊見藝文

印箱石 在太平都塘邊山縣東二十里許於數十里平沙中突起一石高不逾丈大不過圍上圓下方極其光潤秀雅故名

報捷山 在積善都縣南二十里俗名大石埠凡縣治西北之水俱從此出口有數大石如遊魚狀爲捍門每逢科平有高者石水必崩激震動聲聞數里

梅嶺 縣北三十里嘉會都

水滴嶺 嘉會都縣北四十里頂上抱一大石常水滴不絕灌溉田畝雖至旱不乾潤

浮鴨墩 端趙都縣北四里鎮美果溪之口大僅數尺高與田堤無異任霖雨暴漲斷不沒頂故名

川河

黎湓溪 縣北五里源出定安島嶺即縣治八景之一流出樂會龍塘港合大溪出北敖港入海

水頭溪 縣西五里永安都源出白鶴山與黎湓合流

溫洋溪 縣東南十五里太平都源出黎竹山經南蛇塘與大水嶺溝合流

禮曹溪 縣西北二十里永安都源出石牛村與白鶴溪合流

石橋溪 縣西十五里端趙都源即出于橋上里許地近積墟衆會捐築石橋來往稱便

龍角溪 縣西二十里永安都源自定安出至嘉積下市與樂會大溪合流

留古溪 縣西三十里積善都源出定安係山澗小流但有一灘名龍鈴灘其水聲響異決下雨晴甚驗流合樂會大河

大橋溪 縣東四十里太平源出文昌至歐村港入海會文來 津梁

軒村溪 縣東三十里太平都鄉人築堤灌濟東西兩岸田數十頃

會同縣志 地理 卷一 四 瓊州海口海南書局承印

合水溪 縣東二十里太平都二溪合流一清一濁

多異井 在多異嶺靈泉寺山巔旱禱必取水多應

驛前井 縣城東門內前有永豐驛故名雍正十一年邑紳王元臣捐修邑侯鍾公以井近忠孝祠改名忠孝井

學宮井 在教一亭東康熙六年二月知縣戴垣命役開浚春秋丁祭供盥清潔奉文修入通志

靈仙井 縣東二里鄉名仙寨在孝廉王世亨舊居門口深僅二尺湧出不窮灌田數十畝泉甘而冽上有榕蔭可浴可風來往行人憩息不絕凡遇大旱池竭盡涸此獨如常隣村人畜都賴以濟焉

池塘

縣前塘 縣南門前即縣治八景之一原有浮草湧自嘉積內寅颶風漲溢爲趙水一

南門前橫直二十丈爲官塘其餘係四戶民塘邇年有課米輸差浸水載苗米并水傷荒糧